



Inatsisartunut ilaasortaq
Aqqaluaq B. Egede, Inuit Ataqatigiit

Taarsiinissamut tunngasoq § 37 tunngavigalugu apeqput nr. 2016-115-mut akissut

Inatsisartut suleriaasianni § 37 naapertorlugu Naalakkersuisunut imaattunik apeqquqteqarpunga.

13-05-2016
Sags nr. 2016-7451
Akt nr. 2687823

1.
Naalakkersuisuit 23. oktober 2013 “Immikkoortoq 709-711-mut tunngatillugu atugassarititaasusanut nalinginnaasunut september 2010-imeersunut tapiliussaq aamma sumiiffimmut Kalaallit Nunaata kujataani Kuannersuarni akuersissummut 2010/02-mut tapiliussaq nr. 1 pillugit nassuaat”-mi taamani Aatsitassanut Naalakkersuisuusumit atsiorneqarsimasumi ima allapput:

Postboks 930
3900 Nuuk
Tlf. (+299) 34 68 00
E-mail: mmr@nanoq.gl
www.govmin.gl

“302. Pisinnatitsisummik pigisaqartoq pinngornermik qinngornermik ulorianartunik akulinnik piaanissamut akuersissummit tunineqarnissamik qinnuteqarpat, takuuq immikkoortoq 301, Naalakkersuisut qinnuteqaat nammineerlutik aammalu arlaannik tunngaveqanngitsumik imaluunniit sumilluunniit tunngaveqanngitsumik itigartissinnaavaat. Qinnuteqaat ilaatigut politikkikkut imaluunniit ingerlatsivimmi pinngornermik qinngornermik ulorianartunik akulinnik piaanissamut akuersissummit tunniussannginnissamik aalajangiineq tunngavigalugu itigartinneqarsinnaavoq. Qinnuteqaammik itigartitsineq pisussaaffeqarnermik akisussaaffeqarnermillu malitseqassangilaq, ilanngulligit Namminersorlutik Oqartussanut, Naalakkersuisunut imaluunniit Aatsitassanut Ikummatissanullu Pisortaqaarfimmut taarsiinissamik akisussaaffiliissanani”.

Aamma:

“303. Pisinnatitsisummik pigisaqartoq pinngornermik qinngornermik ulorianartunik akulinnik piaanissamut akucrissummit tunineqarnissamik qinnuteqarpat, tak. Immikkoortoq 301, Naalakkersuisut pinngornermik qinngornermik ulorianartunik akulinnik piaanissamut atugassarititaasut suulluunniit nammineerlutik aammalu killilersuutitaqanngitsumik aalajangersarsinnaavaat. Naalakkersuisut ilaatigut piaanermi ingerlatanut, isumannaallisaanermut peqqinnissamut, avatangiisinut, pisuussutinik atorluaanermut aamma inuiqatigiinni piujuartussamik iluaqutaasumik sunniutaasussanut atugassarititaasussanik kiisalu pisinnatitsisummik pigisaqartoq Kalaallit Nunaanni Namminersorlutik Oqartussanut akuliuteqassaneroq aalajangersaasinnaapput. Naalakkersuisut tassunga ilanngullugu nammineerlutik aamma arlaatigulluunniit killilersuutitaqanngitsumik ukiumoortumik akitsummik sumiiffiup

akuersissummi pineqartumut ilaasup angissusaa tunngavigalugu naatsorsugaasumik akiliuteqarnissamik (nunaminertamut akitsuut) atugassarititaasussanik, akitsuummik aatsitassat piiarneqartut ilaalu ilanggullugit tunngavigalugit naatsorsorneqartumik akiliuteqarnissamik (tunisassiornermut akitsuut) atugassarititaasussanik imaluunniit suliaqarnermit akuersissummi pineqartunut ilaasumit aningaasatigut pissarsiat ilaannik Kalaallit Nunaanni Namminersorlutik Oqartussanut qupp. 2 akiliuteqarnissamik (pissarsianit akitsuut) atugassarititaasussanik aalajangersaasinnaapput”.

2.

Nassuaammi nassuiarneqartut suli atuuppat?

Akissut:

Qulaani allassimasut issuaanerit Kujataani Kuannersuit eqqaanni nunami kisermassiluni misissueqqissaarnissamut Greenland Minerals & Energy A/S-ip akuersissutaanut nr. 2010/02-mut tapiliussami akuersinermut piumasaqaatinit toqqaannartumik issuaanerupput.

Tapiliussaq ulloq 3. april 2012-mi atulersinneqarpoq sulilu atuulluni. Tapiliussaq misissuinissamut isumaqatigiissut nr. 2012/02-mut ilaavoq.

Immikkoortoq 709-711 aamma Kujataani Kuannersuit eqqaanni nunaminertaq pillugu akuersissummut 2010/02-mut tapiliussamut tunngasumut september 2010-meersumut nalinginnaasumik piumasaqaatinut tapiliussaq pillugu nassuaammi allanneqarsimasut suli atuupput.

3.

Naalakkersuisut allanik ingerlatseqatigiiffiup taarsiiffigitinneqarnissaminut piumasaqaateqarsinnaaneranut naliliisoqarneranut oqaasissaqarpat?

Akissut:

Ingerlatseqatigiiffimmut pisinnaatitaaffeqartumut Greenland Minerals & Energi A/S-imut misissuinissamut akuersissummut nr. 2010/02-mut tapiliussaq malillugu ingerlatseqatigiiffik pisinnaatitaaffeqartoq pinngoqqaatinik qinngorernik ulorianartunik akulinnik misissuinissamut pisinnaatitaaffeqarpoq.

Taamaattorli akuersissummut tapiliussaq malillugu ingerlatseqatigiiffik pisinnaatitaaffeqartoq pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfingineqarnissamut pisinnaatitaaffeqanngilaq, naak ingerlatseqatigiiffiup pisinnaatitaaffeqartup uppernarsarluaraa killeqartumik niuerutigineqarsinnaasunillu pinngoqqaatinik qinngorernik ulorianarutnik akulinnik peqartoq allatigullu misissuinissamut akuersissummi piumasaqaatinik naammassinnissimagaluarluni.

Akuersissummut tapiliussamit takuneqarsinnaavoq pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfingineqarnissaq pillugu qinnuteqaammik Naalakkersuisut itigartitsisinnaasut. Sunaluunniit tunngavigalugu qinnuteqaat itigartinneqarsinnaavoq, tassunga ilanggullugu politikkikkut imaluunniit ingerlatsivikkut peqquteqartumik, allarluinnarmilluunniit peqquteqartumik.

Akuersissummut tapiliussap aamma toqqaannartumik malitsigaa pinngooqqaatinik qinngorernik ulorianartunik akulinnik iluaquteqarnissamut akuersissummit nalunaarfigineqarnissaq pillugu qinnuteqaammik itigartitsineq kalaallit nunaanni oqartussanut pisussaaffinnik imaluunniit akisussaaffinnik kinguneqassanngitsoq, tassunga ilanggullugu taarsiinissamut akisussaaneq.

Tamanna tunuliaqutaralugu Naalakkersuisut naliliinerat suli tassaavoq assersuutigalugu pinngooqqaatit qinngorernik ulorianartunik akullit pillugit innultaasut taasinneqarneri tunuliaqutaralugu pinngooqqaatinik qinngorernik ulorianartunik akulinnik iluaquteqarnissamut akuersissummit nalunaarfigineqarnissaq pillugu qinnuteqaammik Naalakkersuisut itigartitsissagaluarpata Greenland Minerals & Energy A/S kalaallit nunaanni oqartussanut taarsiiffingineqarnissamut piumasaqaateqarnissamut pisinnaatitaaffeqanngitsoq.

Inussiarnersumik inuullaqqusillunga



Randi Vestergaard Evaldsen